

Inatsisartut suleriaasianni § 37 tunngavigalugu matumuuna Naalackersuisut apeqquteqaatinik makkunanga apeqquteqaateqarfigaakka:

Naalackersuisunut apeqquteqaatit:

1. Kiffartuussinissamut isumaqatigiisummik unioqqutitsisoqartillugu KNI A/S-imut (matumani Pilersuisoq pineqarpoq) kinguneqartitsissutaasinnaasunik peqarpa, aammalu suuppat?

2. Qanoq akulikitsigisumik KNI A/S-ip (matumani Pilersuisoq pineqarpoq) kiffartuussinissamut isumaqatigiisut atuuttoq unioqqutittarpaa?

3. Kiffartuussinissamut isumaqatigiisummik ullumikkorniit annertunerusumik malinninnisaaq qulakkeerniarlugu Naalackersuisut sunik suliniuteqarpat?

(Inatsisartunut ilaasortaq Andreas Uldum, Demokraatit)

Tunngavigisaq:

Piffissami kingullermi sivilunerusumi Qeqertarsuarmi cigarettisineq ajornarsimavoq. Matumani akisussaaffik Pilersuisumi inissisimavoq, taassumalu pisisartut pisariaqartitaat naammissiniarlugu naammattunik uninngasuuteqarnissaaq isumagisimangilaa.

Matumunngalu tunngatillugu inuit ilaasa oqaatiginnaassagunarpaat Qeqertarsuarmu pujortartartut pujortagassaminnik pisisinnaannginnerat ajunaarnersuartut isigisariaqanngitsoq. Tamannalumi ilumoorpoq, kisiannili matumani pineqartoq tassa akisussaaffimmik tigummisaqarnerup ataqqineqarnissaa. Imaassinnaammammi nioqqutissat inuuniarnermi pisariaqartinneqarnerusut nioqqutissaatigineeruttut. Tamannalumi akuersaarneqarsinnaanngilaq.

Namminersorlutik Oqartussat taamatut kiffartuussinissamut (matumani Pilersuisoq pineqarpoq), tassa suliffeqarfiup nunatsinni innuttaasut ilaasa kiffartuunneqarnissaat isumagissallugu, aningaasarpasuit KNI A/S-imut akiliutigisarmagit naatsorsuutigisariaqarpoq suliffeqarfiup ajunngitsumik ingerlatissagaa, tamannalu ilutigalugu naatsorsuutigisariaqarpoq kiffartuussinissamut isumaqatigiisummik unioqqutitsisoqartillugu KNI A/S-imut (matumani Pilersuisoq pineqarpoq) kinguneqartitsissutaasinnaasunik peqartariaqartoq.

Apeqquteqaatima ullut suliffiusut qulit qaangitsinnagit akissuteqarfigineqarnissaat naatsorsuutigaara.